



BOSNIA AND HERCEGOVINA
MINISTRY OF FINANCE
AND TREASURY

CENTRALNA/SREDIŠNJA HARMONIZACIJSKA JEDINICA
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 04-1-02-2-87-2/20
Sarajevo, 17.03.2020. godine

Na osnovu člana 61. stav (2) Zakona o upravi („Službeni glasnik BiH“, broj 32/02, 102/09 i 72/17) i člana 32. stav (2) i (3) Zakona o radu u institucijama Bosne i Hercegovine („Službeni glasnik BiH“, br. 26/04, 7/05, 48/05, 60/10, 32/13 i 93/17) i Odluke Vijeća ministara o postupanju institucija Bosne i Hercegovine u cilju obezbjeđenja zaštite života i zdravlja zaposlenih zbog opasnosti od moguće pojave epidemije zarazne bolesti prouzrokovane Korona virusom (COVID – 19), VM broj: 13/20 od 17.03.2020. godine, direktor Centralne harmonizacijske jedinice Ministarstva finansija i trezora BiH, *donosi*

ODLUKU

**o organizaciji procesa rada u Centralnoj harmonizacijskoj jedinici
Ministarstva finansija i trezora BiH u vrijeme pandemije koronavirusa (COVID-19)**

Član 1.

Ovom odlukom uređuje se organizacija procesa rada u Centralnoj harmonizacijskoj jedinici Ministarstva finansija i trezora Bosne i Hercegovine (CHJ MFiT BiH) u vrijeme pandemije koronavirusa (COVID-19).

Član 2.

Minimum procesa rada u CHJ MFiT se organizuje s ciljem da se osigura kontinuirano obavljanje poslova i zadataka, a da se radi zaštite života i zdravlja, prisustvo zaposlenih u CHJ MFiT BiH svede na najmanju mjeru.

Član 3.

Proces rada u CHJ MFiT BiH za vrijeme vrijeme pandemije koronavirusa (COVID-19) odvija na sljedeći način:

- a) u Zgradu prijateljstva između Grčke i Bosne i Hercegovine, Trg Bosne i Hercegovne 3, dolaze zaposleni ukoliko je njihovo prisustvo na poslu neophodno u određenim vremenskim intervalima i za obavljanje neophodnih poslova koji su vezani isključivo za rad na radnom mjestu u sjedištu poslodavca, a po naredbi direktora;
- b) Ostali tekući poslovi i zadaci i poslovi koji ne trpe odgađanje zbog zakonski propisanih rokova, obavljaju se u sklopu radnog vremena od 09:00 do 17:00 sati, na daljinu, odnosno od kuće.
- c) Svi zaposleni koji obavljaju svoje poslove i zadatke od kuće obavezni su komunicirati sa direktorom, i po potrebi sa drugim zaposlenima putem telefona, e-maila i ostalih elektronskih vidova komunikacije.
- d) Zaposlenima koji rade od kuće pripada pravo na platu i topli obrok u skladu sa Zakonom o platama i naknadama u institucijama Bosne i Hercegovine („Službeni glasnik BiH“ br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17 i 25/18), kao i sva ostala prava iz radnog odnosa.

- e) Izuzetno od navedenog u tački d) ovoga člana, naknada za prevoz će biti isplaćena na mjesečnom nivou za dane provedene na radu u sjedištu CHJ MFiT BiH, a shodno evidenciji o stvarnom broju dolazaka na posao.
- f) Kako ne bi došlo do blokade rada CHJ MFiT BiH, direktor će na sedmičnom nivou odrediti zaposlene koji će obavezno biti prisutni na dnevnoj osnovi u CHJ MFiT BiH, o čemu će se voditi evidencija o prisustvu.

Član 4.

Zaposleni su dužni primjenjivati mjere donesene od strane entitetskih i kantonalnih vlasti prema sjedištu CHJ MFiT BiH koje se odnose na sigurnost zdravlja i života.

Član 5.

- 1) Prijem hitne pošte vrši se u prostorijama CHJ MFiT BiH radnim danima u periodu od 10:00 do 11:00 sati, od strane zaposlenog koji je taj dan prisutan na radnom mjestu u sjedištu CHJ MFiT BiH.
- 2) Dostava ostale pošte vrši se na sljedeće načine:
 - Putem pošte na adresu: Trg Bosne i Hercegovine 3, 71000 Sarajevo, Bosna i Hercegovina,
 - Faksom na broj 033/206-021
 - Putem e- pošte: chj@mft.gov.ba (dokumenti moraju biti skenirani sa validnim potpisom i pečatom)
- 3) Prijem pošte koja se za CHJ MFiT BiH zaprima preko poštanske službe vrši se na šalteru JP BH Pošta u zgradi Parlamentarne skupštine BiH od strane lica koja su ovlaštena od strane direktora CHJ MFiT BiH za period trajanja pandemije koronavirusa (COVID-19).

Član 6.

Ova odluka stupa na snagu danom donošenja.

Obrazloženje

Članom 32. stav (2) i (3) Zakona o radu u institucijama Bosne i Hercegovine („Službeni glasnik BiH“, br. 26/04, 7/05, 48/05, 60/10, 32/13 i 93/17), poslodavac je dužan da osposobi zaposlenika za rad na način koji obezbjeđuje zaštitu života i zdravlja zaposlenika, te sprečava nastanak nesreće. Također poslodavac je dužan da osigura potrebne uslove za zaštitu na radu kojima se obezbjeđuje zaštita života i zdravlja zaposlenika, kao i svakog drugog lica sa kojim dođe u dodir u toku trajanja ugovora, saglasno zakonu.

Odlukom Vijeća ministara o postupanju institucija Bosne i Hercegovine u cilju obezbjeđenja zaštite života i zdravlja zaposlenih zbog opasnosti od moguće pojave epidemije zarazne bolesti prouzrokovane Korona virusom (COVID – 19), VM broj: 13/20 od 17.03.2020. godine, propisano je postupanje institucija Bosne i Hercegovine u vezi sa prijetnjom opasnosti po život i zdravlje zaposlenih uzrokovanih prisutnošću virusa (COVID-19).

Imajući u vidu preporuke Svjetske zdravstvene organizacije i kriznih štabova formiranih na području Bosne i Hercegovine u pogledu proglašene pandemije koronavirusa (COVID-19), kao i ostalo navedeno, a u cilju zaštite zdravlja zaposlenika Centralne harmonizacijske jedinice Ministarstva finansija i trezora BiH, odlučeno je o procesu rada u Centralnoj harmonizacijskoj jedinici Ministarstva finansija i trezora Bosne i Hercegovine u vrijeme pandemije koronavirusa (COVID-19).

Dostaviti:

- web stranica,
- istaći na vratima pisarnice CHJ,
- a/a.



DIREKTOR
Ranko Šakota